

Nanzlumz Saedcej Siujyoz

贵港市覃塘区蒙公镇高占小学六年级 Leiz Cinyez/雷振越



Duzroeg youq henz conghcuengh hemqcebece, mbawfaex riengz rumz bibuengq ciengqgo caca, makgaivaiz youq gwnz faex langh heiqrang okdaeu, laj gofaexrungz cienz daeu sing riu angqyangz lwnyez, duzbid youq gwnz gofaexrenh heuh mbouj dingz, lumjbaenz vih saedcej siujyoz demgya cezcou. Hagdangz dou geijlai nauhyied ha!

Siujyoz Hawj gou nanzlumz dwg yienghcej Veiz lauxsae: Ndang hungsang, naengnoh mbouj suenq hau, doiq lwgda mbouj hung cix gig ronghndaem. Yiengh de mbouj lumj lauxsae wngq unqswnh mizleix, de dwg boux bakvaiq simndei ndeu. Miz baez ndeu, gou yawj bonjsaw 《Hekgvaiz Vunzvaisingh》, ndawsim dwglau raixcaix, lij loqraen vunzvaisingh gaeb gou bae buqdungx. Veiz lauxsae rox le, riugaekgaek naeuz: “Danghnaeuz

mwngz heiqlau swheij deng gaeb bae, mwngz couh lwnh gou, gou dawz vunzvaisingh gaeb ma cuengq hauej loengz bae hawj gyoengqvunz ngonzyawj bw!” Gou dingq le, sim mbouj ndum lo, riu dwk cam: “Danghnaeuz vunzvaisingh daeuq caq digiuz, raeuz baenzlawz banh?” Veiz lauxsae sing riu fwt dingz lo, de caemcingx naeuz: “Danghnaeuz vunzvaisingh caen dwg daeuq, lau hix mbouj miz yungh ha! Miz di saehcingz yaek daeuq cungj daeuq, daeuq le, mwngz couh itdingh ciepsouh de.” De cimyawj gou, youh riu naeuz: “Mwngz hix ndaej cingj vunzvaisingh gwn boi cazbanringz ha!”

Youh miz baez ndeu, banhcanj singhung hemq: “Vaiq di daeuq baizdoi hienh diuqfoux!” “Diuqfoux? Gangj gijmaz, diuqfoux?” Gou miz di ngeiz lo. “Gou din fwngz genggyat

hix yaek hwnjdaiz diuqfoux?” “Daengx ban cungj daeuq lienh, vaiq di!” Daengx ban doengzhag comz youq laj gofaexrungz, mbouj ndei eiqseiq riengz Veiz lauxsae hag dungcoz diuqfoux. Dou dingz lai vunz cungj lumj foux “gienzfiz” nei luenh vad.

Daengz ngoenz sam nyied sam, dou gag daz naj cang ndang, youq laj nditrongh raeujrub, baizdoi hwnj daiz lo. Yinhyoz yiengj le, gou ndawsim miz di yup: Mboengqneix gou cungj lienh ndaej gijmaz la? Lumz dungcoz baenzlawz banh? Youh siengj: W, vah bouxlaux gangj “rox doengh couh ndei”, lauxsae gangj gwnz daiz youqgaenj dwg naj rox riu bw. Daengz gyang daiz, dou lumj boux gwn laeuj fiz ityiengh luenh diuq luenh foux, geiq ndaej dungcoz youh gaen mbouj ndaej hwnj yinhyoz, mbouj geiq ndaej

dungcoz couh gag foux, lwgsai cix dwg luenh foux guh najgvaiq. Dou gwj foux gwj angq, laj daiz gyoengq bouxyawj riu baenz dungx in bae, sing bekwngz, sing hemq raq ciepraq. Dou foux ndaej engq haenq lo. Doeklaeng dwg ban dou aenfoux 《Lwg Bouxcuengh Angq》ceiq miz daegsaek, ndaej daih’ it mingz ne! Dou roengz daiz le, daengx ban doengzhag cungj got youq doxcaez, angq hemq mbouj dingz, youh luenh foux hwnjdaeuq lo. Veiz lauxsae cix dwg youq henz doiq dou riu.

Couh yaek bizyez lo, dou geijlai sij mbouj ndaej hagdangz dou ha! Neix cingq lumj Veiz lauxsae gangj haenx, yaek daeuq cungj ndaej daeuq, daeuq le, couh itdingh aeu ciepsouh de.

(boux lauxsae son’ gyauq Cuh Veimingz)

Bohlwg Caeuq Seizdaih Caez Baenaj

贵港市覃塘区蒙公镇高占小学六(1)班 Vangz Maucwnz/黄茂晨



Gou naengh youq naj daiz sij cih, youh yawj bonjsaw hozdung “byaij hauej seizdaih moq”, gou cingq siengj sij gijmaz ndei ne? Seizde dingqnyi sing daxmeh gangj vah “daxgoeng mwngz youh ndoj ndaw rug……” Gou ukgyaeuj baez doengh, gig vaiq sij ok diuz daezmoeg: Bohlwg Caeuq Seizdaih Caez Baenaj.

Bohlwg neix couhdwg daxgoeng caeuq daxboh gou lo! Daxboh gou, ngamq 40 bi, de bonjlaiz dwg boux

lauxsae son gauhcungh, sonsaw gig hwnjfwngz. Aenvih gunghcoz aeu-yungh de, de gyahauej le aen doi h fuzbinz gunghcoz bae. Daxmeh raen de lauxsaed simsoh, yousim yubyub. Daxboh cix bekbek najaek naeuz: “Cuengqsim! Gou dwg hag gvanlijyoz conhyez, gij hong neix nanz mbouj ndaej gou!” Daxboh ciengzseiz gangj: “Raeuz aeu riengz seizdaih fazcanj byaij, fuzbinz hix dwg ityiengh. Dangyienz, mwh byaij baenaj swheij aeu

rox duenqdingh deng loek, miz siengj-fap swheij, mbouj ndaej laebluenh bae gaen vunz!”

Miz baez ndeu, daxboh guhhong ngamq ma daengz ranz, soujgih couh yiengj lo, lingjdau heuh de ngoenz daihngaih cinjseiz haihoih. Ngoenz daihngaih, daxboh gyanghaet haj diemj cung couh hwnq, hai gyaq mohdozceh de okdou bae lo. Baihrog rumz hung fwn hung, daxmeh youq ranz caiq hix ninz mbouj ndaek lo. Diuzloh fuzbinz, daxboh itcig byaij ndaej gig sinhoj, hoeng de coengzlaiz mbouj geq haemz geq hoj gvaq, ma ranz le, lij ciengzseiz gangj gij saeh fuzbinz hawj dou nyi.

Miz baez ndeu gou aengq hoz hemq: “Daxgoeng, gwn ngaiz——” Hoeng mbouj miz vunz han. Gou ok aen geiqmaeuz ndeu, hai densi cuengq sing ceiq hung. Ndaw densi cingq boq “Siz Ginbingz cungjsuhgi……”, yi, gou ngamq cienq ndang gvaqdaeuq, couh raen daxgoeng ndwn youq baihlaeng gou, cijraen de iet hoz gungj hwet yawj densi, gou lienzmuengz buen eij daeuq hawj de naengh. De mbouj dwg gwn ngaiz gonq, de sien gvansim guekgya daihsaeh. Daxgoeng

cimyawj densi, song lwgda ronghrikrik, da cungj mbouj yaep yawj dwk densi.

Siz cungjsuhgi baez dwen daengz gij saeh guekgya hwnghuengh fouqmiz, daxgoeng couh haenqrengz ngaek gyaeuj, riuwhw dwk. Ndaw ranz miz goenglaux baenzneix gvansim guekgya daihsaeh, gwndaen dou mizyinx lai lo. Gaxgonq daxboh caeuq daxgoeng gig noix gangjvah, seizneix, song de cungjsuenq miz vah habhoz doxgang lo, gwj gangj gwj mizyinx. Gijmaz “it rangh it loh” ha, song aen bak bi ha……Daegbied dwg gangj daengz cawzraeg yakrwix, song bohlwg ceiq boiqfug Siz Ginbingz cungjsuhgi, cawz rwix cawz yak baenzneix dwg-rengz, aenmbei mbouj hung couh itdingh guh mbouj ndaej daengz ha!

Yawjyawj ranz gou doiq bohlwg caeuq seizdaih caez baenaj neix, gou hix mbouj haengj doeklaeng, aeu bit geiq gij goj gyoengqde roengzdaeuq. Ngoenzneix, sien geiq daengz neix, gou ietiet aenhwet, yaengyaeng hup hwnj bonjbouh.

(lauxsae son’ gyauq Veiz Gyanghbingz)